



秀巖集卷十二

石芝軒七言古

鑿寶

甲申



舊笑傷弓避曲木今脫虎口神骸鯨况逢跖部進忠告
尚敢溼囊居大屋戟林矢市曷循足湯釜沉淵難卜築
古人土室甘蹠跼聊爾浮沉遠寵辱偶度旁廬堪蠖伏
泥封洞闔彌耳目幽房隙壁潛形曲出入晨昏無定宿
忽聞鐵騎窮奔逐四垂飛駭橫霄酷臺瞻廟社燹輪蹙
微垣閃爍驚瞬矚同街咨謀尚審熟肩口遺營發奸蓄
秀巖集 卷十二

鬼神呵護遠回祿痛餘思痛撫叢竹斯人斯語有馮屬
爾寶爾寶真亭毒

秀巖行

乙酉

疊石峻嶒衢洞幽梯躋曲曲巖之頭回欄飛榭互林丘
面俯雕虹引碧流周遭綠隱千朱戶靜敞廊廡跨澗樓
二百年來鎖深寂寧知今與耳目謀巖下直廬分畫室
曉度巖居幾晡出名呼習聽邇萊庭胥吏趨蹌時載筆
圖書扃戶有餘閒客禽息樹同永日倦寢層雲迷故山
步履卽真那可必

聽李又日道人彈如意琴

有序

琴制小類瑟惟首不聲絃二十有四長五尺有二寸首郭微圓濶尺有二寸頸九寸環首二十四柱入腹惟釘首浮面腹柱卽約絃者蓋取象歲氣云首底左右有兩孔象新月末方濶尺有六寸頸尺有二寸末底二孔如日首末頸際亘山岳每絃有承馬次第自末布首大約每八絃相次爲度四隅有足其彈法左手指輕按諸絃有內外無上下右手執箴如意擊絃取聲而已

秀巖集

卷十二

二

如意之制用薄箴寬一分強長尺有二寸操曲成之琴質亦用佳桐此道人所創前此未見道人原武弁捐妻子而修真太行有得者名長新鏗謹聲久隔高聰誅齡名流謝弋鴻杖履太行畱得任風朝月夕倚孤桐孫枝苞蘊元和骨坐對彌年諦清越斲成一段陰陽窟析竹引之聲以發箏琵琶阮筑耳滿堂隨所各得叶宮商天然不受猿鶴媚悠遠獨存山水意驅除桓赳對壘豪光風遞處振雲璈廣陵散已委蓬蒿

且從羽士叩幽騷

送何荆屏同年還里

白衣蒼狗不須更綠綺青萍祇咄吁形影話餘朋友續
詩書種在古今殊社燕悠悠縵鶴並林泉豈是傲鐘鼎
天倫睽合不勝情夢裏征輪閱歷迴淮南桂樹擬相招
汝畔靈椿羨後凋我憶慈闈限弱水望君驤首在雲霄
尊蘆坐老秋風約空向天涯慰寂寥

金魚池

丙戌

年年榴火窺萍綠讌集池亭同轉燭沾棚黃岸息游踪
水面烘雲引屬目投以餅餌爭唼喁小者寸餘修尺六

秀巖集

卷十二

三

落照影纓混鬣鱗浮霞鋪沼明頰玉在昔歸騎迫重關
邇來大道馮宵逐誰教感慨係層瀦臨風不是銅鞮曲

瀛洲亭雨集

丁亥

槐龍四面吼奔浪檻俯矩泓深一丈聞道當年蓄泳鱗
淙流日日噴龍吭周燕環坐瀛洲客奇錦蘂珠蘊鮫藏
何計長流此潭潭滿種舒荷爭艷放

觀射

束芻尺許前標的步準三十耦班歷志與體謀手應之
決拾縱送恐違鐫噌然飛羽振槁鳴嗣弮踵發裊長聲

敬一亭前開鬢相自求正鵠略師生

古槐吟

戎子

署宇清嚴啓北扉隙庭嘉植綠陰圍羃雲感浪琉璃碧
虬攫蛟盤拔地飛書生繚繞連幽籟曾裏翠華香霧霏
蕭蔚禁林多剪伐典刑猶在切依歸曙迎哺別經三夏
二十年來交匪乍風雨陰晴幻我顏壽考作人爾流亞
梓里諸公有憶中園之作余亦感賦此篇

巳丑

堇花寒火錦官城逸陌鳴笳太守旌舊俗遊棚始上已
東郊處處快逢迎花溪釐祝海雲石薛井鸞牋石斛珊

秀巖集

卷十二

四

兵燹未干蠶稼宇錦流樂事遂幽情後來鞞鞞相雄長
遜地中園平若掌遙集名蹄捷檄徼路傍堵迺屠龍黨
駘鑣罽駕競春芳此復主人欣標榜颺叔仙遊樂返垣
蹙雲絕足悲俛仰憶昔同人生死殊兼聞沃野化燐區
空思却糞調金埒坐對昭臺閱隙駒書御遺情異今昨
羈踪會老青絲絡安希後福有塞翁欲刈吉雲自漢朔
君不見芝田脫牧隔風塵苦被鴛乘殄厥真安得華陽
適水草長年不逐戈鋌道

灌園蘓翁歌

有序
庚寅

廣漢蘓雲卿寓豫章其行略見隆興士宋自適
所紀

艇朝驚市紛如織射擲之來文捷卽東湖南岸廬者誰
修儀美髯自食力廢地區籬架且墜藝耘溉壅因時飭
巨鍾九尺柄等身常使畦產歲贏仞畫程滋翦宵捆扉
無事局垣獨宴息市蔬貿屨不問名易薪易粟無二直
羨餘周急靡遺追豈是離羣遠貨殖踈鴟沃野紆耕鑿
五岳游情偶斯得漢陰丈人朱桃椎園屬遺風存羽翼
豫章漕帥勤物色土銚竹几瑩於拭案上橫襟西漢書
秀巖集

卷十二

五

客來烹茗泉新挹姓字暴自廣漢相咄咄潛形世界偈
詰朝閨室函幣畱邈矣冥鴻不受弋

齊瑟行

有序
辛卯

樂府有題無辭未詳所始陳思有齊瑟和且柔
之句而謝靈運云伊昔家臨淄提攜弄齊瑟鮑
照亦云空錄齊后瑟江總齊絃窈窕瑟其所由
來久矣合採其意擬作之

嶧桐泗梓岱蠶絲律呂旋宮鳳柱移鄒魯絃歌化日熙
濫竽克耳詎知之操迎卜夜飲傲傲促節絙張彼一時

走狗闖雞風以滴雲和不御淫哇滋吁嗟儒響久凌夷
巨倩空陳諷諫辭

趙瑟行

沈約有趙瑟曲今更其調以方齊瑟行

文山梓漆紫山桐魏柱韓絲平棘工吹管和律聲黃宮
岳梁連亘越疏通邯鄲天冶舞春風一部鈞天仍夢中
見史記趙世家燕筑秦箏競煇聰叢臺逸韻裊長空絃揮五五
送飛鴻擊缶筵前響益雄

代霽月訟陰雲

季春望夕

秀巖集

卷十二

六

萬戶千門敞暮春靈霽快借滌氛輪西園甫睨丁香結
東嶺將輝子笈節玄兔金臺擁玉盤白衣蒼狗封銀闕
雲乎雲乎爾何尤不放清光耀九州欲遣吳剛利厥斧
戮伊聚族斷伊頭出背赤珠如應候循垣白虎宜參後
中庭豈爾列陣場豐蔀北南及左右飛廉前日捲沙狂
猛力何難破滄囊招却不來麾不去世情翻覆到穹蒼
平心詘勉亮工事膚寸驅霖膏大地或見輪囷復且霄
或呈柎木璇宮次不然寶蓋旃檀香溶洩幽人跌坐位
竄跡滑馬附衡旄迴障階符隱紫冥高叩豹闈憑淨埽

莫令壅塞義和道

放榜夕良輔示余中秋夕飲篇因題其後

社燕辭歸菊候來沙鷗獵獵肅金臺燈前書版誇羅彥
益信流年後草催黃卷青燈嗤我老春芳秋照娛人早
引眸歲歲闔光華幾許鏡顏留少好偶展中秋夕飲篇
想君捉筆縱橫掃浮名蒼狗等須臾買笑青蚨委蘿草
勞生夢覺分居半祗此舒輪矜共翫誰擁嬌娃俯畫欄
淺斟低唱罕遺歎欲憑玉斧煥璇宮莫遣流雲兆水旱
竹塢松丘融冷光韻霜唳月聲聲誕今雖未逮玉壺攜
秀巖集

卷十二

七

懸揣高吟斗轉西閣熱茶經尊陸羽鑪烟縹緲砌菴啼
人間爽致兼蓬閣漫道昇天別有梯君不見綠簑獨傲
寒江釣紫陌紛馳寶勒嘶

李子竹西見示近集有啼塵顧聆之什昔者注念
老拙而作也因廣其意賦十二韻謝之兼柬浙中
諸友

駟垣炯炯卿雲纈帝遣洼池題汗血克物天閑不世材
閒然躋我孫陽列狂飈倏卷古雲芻坳牧低回吁承別
寥聞傳聞甘蔗薇浮沉或飫濱陬雪骨存寧羨市黃金

志壯未忘驅錦鐵鼎鼎扶輿有事區那堪伏櫪同鷲嶺
麟郊鳳閣興來遊豐草長林空蹙躡濟濟於今集團門
權奇較勝沙丘閱和鑾不動九衢塵信步承恩蓮炬埒
私幸龍鍾逐玉珂詎夷銅式標滇穴嗚呼男兒氣概矯
猶龍肯與阜牛爭爽喆

李萬侯重情奉其尊人之命遠訪余於京師相別

蓋九載矣出示晚翠集中有寄懷者抽一章依韻

却贈

龍駒咄咄秭歸時雲步霜蹄喜範馳辰出燕臺光宅相

秀巖集

卷十二

八

慧方裴秀與丘遲天南地北驚年換我已顛髡子鵲冠
猴棘揮刀具體呈蝨輪飛鏃能心貫何期旬始擾三台
落落交游重惑徊候雁莫詢僑寓跡雕龍徒憶瑞時才
沸鼎之旁多逸士嗣聞柱史輕金紫五湖遥羨范蠡舟
吳越從驅日月羽故園燐燹懸江漢慰藉親朋憑染翰
促膝前期與歲深殷勤遣侍羈栖畔龍門枝榦絕塵緣
世德遺經重火傳倒屣乍披珠玉積不矜枯朽飽神仙
題莊封君八袞冊
壬辰應其子順天司李曾明徵

德業文章疇濟美咥噪作述東光里躋堂介壽紛桑梓

駘蕩春融戲綠圯濟邑甘棠艾父子作求世德天申祉
麗眉鶴髮侶黃綺潛見猶龍柱下史火棗交梨芬靚齒
靈嬰姹女薦壺籛崆峒使者持玄髓金秋摩挲笑相視
髡穎揄揚應止此我翁不直一杯水莊君平語憶撫膺冀臯
作士祥開高閣于同揆明允前徽存大理人間抑氣銷
嘉肺聞孫京兆蔚司李笥中筆削明五始帶河柱華尸
畏壘循傳堪標神雀紀政譜師承家譜矣千秋燕翼何
云已

雙桂

用昌黎
杏花韻

秀巖集

卷十二

九

寔蕖不耐照秋空曼陀舒白鳳仙紅盧莊借阜婆娑影
莊舍後山桂
各色甚繁夢裏尋芳隔闌風八月客查南以北雙株

遠惠小山同紫萸雨餘一兩葉苞英默乞葶收功遑鄉
水土未能習生意慘澹經營中計防霜日重榮靜畱精
來秋裊露叢小婢忽喧孕蠟蒂有如金粟綴初楓淨拭
庭除新位置朝臨夕對意何窮菊藥尚封柯下上清芬
邀貯舍西東焉得鞞枝侔棗實因緣訪道奉韓翁

贈宋今礎出守常郡

漢二千石資公輔安危倚毗非小補賦甸窮黎軫黼衣

徵賢佇企春風雨玉樹追隨昔所欽仙標卓爍今無伍
盤根錯節器何如作述杓循針子午箸借東南建隼旌
騷壇燕邸失宗盟雲蒸小大猶龍用塵淨朝昏策馬行
蠻觸角邊看築觀邯鄲枕畔閱浮名知君游戲通經濟
肯向時流較重輕

菟閱篇

癸巳

牽牛南豆雞聲曉虎豹闔扃弭轡繞魚貫傳呼侍銅龍
馬蹄捷獵凌晨鳥平蕪烟煥牧羣浮遠樹天圍村落宵
中有鉤陳肅紫垣羽林振旅不聞喧歛然鼓吹螿弧閃
秀巖集

卷十二

十

紛爾風雷扈校奔草暖沙融迷細柳旌前纛殿壯和門
天顏笑促鴛鑣進使命頻將駿足翻鴛鑣駿足遵龍御
蕙苑蘭唐縊虎踞基蒙獻枝至尊前賁獲殘雄繕怒處
平日毛錐涉獵問今來羽葆爭馳遽羽葆毛錐幾顏頰
上林羽獵及長楊臺觀兩翼魚麗陣路入三驅熊館傍
出火簡蒐循古禮敞圍縱逸豈禽荒建橐每切阪泉警
弋獲寧諉渭水望建橐弋獲諧準率物阜堯天熙舜日
雉兔芻蕘文囿寬羽旄鐘鼓齊郊疾不須貊豻詡虞人
已見貍貅協師律珍錯須臾出大官封章委悉披宣室

於皇耀德寓觀兵士載言今史載筆

逸馬行

四月望
後有序

人老天逸之於物何獨不然余憫斯騎久勞因
逸之於蓮華菴援筆以寵其行

駟驢駟驢齒積唐九年代步稱斯臧詭銜竊繼才偶拙
雨驟風馳志頗強豆棧無食推後駟寶珂罕覲壯騏裝
偶然筋力憊金埒似悚主人芻秣將負棘遷延圖郊役
寧勝策數及牽長圍人重實輕前勸從吏他鬻求上裘
吾聞賤老沿薄俗敝帷不棄欲奚償樂騶和御慙無父

秀巖集

卷十二

十一

束帛歸贖感子方駟闈躊躇非逸所垆閑誰割食駒場
竭來巾幗前申說西有招提養老堂命使勝以旃檀供
任持信受靡仿俚莫言龔蟲無佛性昨夕蜿蜒兆殿梁
傳舍行

巢窟何曾湮聖跡斥華涼作矜翬革輕將蓬革陋儒風
材殫陸麓瘡匠石未能免俗寄蘧廬儉矯奢貪兩不居
况肯忌成毀瓦墁博他傳舍笑拘墟亦有龍鐘拙問舍
卜鄰靡惜千金價翦梧祈綺太顛狂竊快畢箕分謗卸
旁人見者雖驚忤石火浮雲詎憺情回思焦劫崑岡後

已并荒郊閱此生君不見有道居停勤灑掃子猷喬
嶷玕繞古賢脊脊甚今賢鵲讓鳩居亦自矯

省牲行

凌晨綬轡南郊路宮殿霏微隔霧樹衣冠濟濟肅滌寮
文繡犧犗紛在絰牽來次報香案前繭栗不論肥中度
東廡深鎖麋鹿羣卽之馴擾靡驚鷺物性飫貪芻豢恩
寧知登俎溘朝露夢龜暗雁秃尾雞巧拙智愚惟所遇
冢相劉憲石入日邀集同譜兄弟卽事

世務驅犁牛馬走分閒人日依韓斗尊開北海藥梅前

秀巖集

卷十二

十二

星聚南軒醞栢後弓月低欄玉漏殘玉寶談洽室蒸蘭
須臾照乘流槐火仿佛垂龍酒露溥天假芳辰淨瑤抱
潭潭相府班蓬島退思補過事非遲羣樂循箴時較早
三十年中水逝波公餘命卒亦無多相看皓首曾英妙
嶠島春花奈老何

題楊愛竹同年竹卷

有序

愛竹自洛中遺余此卷臥治餘閒墨君茂對且
欲移滌塵襟於淇棗渭畝中可謂自淑以淑人
者矣因展玩漫識數言於簡末

春華秋實閱雙丸，嶰谷風和簇萬竿。不妬烟霞閒者三，
不依崑嶠小而觀。有時包系文人腕，粉膩香清挺玉寒。
肖貌雲梢纔寸尺，鵝溪絹素劇琅玕。雒陽太守胸淵奕，
斐澳猗猗出剏獲。耿介天然具象先，幽光展處生垂帛。
知君禮治洽神人，柯葉貫時無改易。研北檀欒奚自來，
從茲陋室餘圭璧。

榮光篇爲戴冲偉封公題屏

乙未

瀛海榮光帶碧空，籬黃岸赤閱儀鴻。天開葦葉聯星履，
地接堯階長玉叢。新恩照耀尚書積，司馬遺勳畱史冊。

秀巖集

卷十二

十三

三立謀貽子，復孫九疇福。備今仍昔焜煌邸，第慶承顏。
退食純絲煥舞斑，難老齊眉輕劫火。待炊比屋頌南山，
余亦萍蓬虛六秩。還丹無分庭娛失，爲公搖筆侑稱觴。
愛日堂前光旦日。

大博卓錫而南說此偈志別

捷足紛紜蹶箕斗，垂頭抱璞吁荆叟。繩床天外白雲杳，
經案烟中蒼兕吼。何處幽閒覓宿桑，灰池塵海潤蒼黃。
觀心兀坐維摩室，洗髓無煩太上方。

秀巖集卷十二

終

秀巖集卷十三

石芝軒雜體

喬木嘆

丙戌

樹木如樹人尺寸歷全身記根巖密地閱此羲軒春豈
無風雨妬工度其何因帶流數百年榮謝自相巡時有
珍禽集下絕麋鹿塵瀛洲咫尺間未許漫問津如何介
然車馬道藏身不固嗟難老誰云樗散享天年坐使樵
蘓意覲早乃知百六兵氣纏梗柙荆棘同秋草中有一
株號壽星當年幽辟倚亭亭輪囷今并尋柯斧不及秦
秀巖集

卷十三

一

松巧借靈從來滄桑習轉較髡地焉知不林麓

反勞新

歲旃蒙之作噩兮月修玄余有述稽定中之經營兮先
庶賴于宮室工師遴材乎鄧林兮窮崖谷以甲乙審繩
墨而無忒兮落輪奐其不日仰榱桷以俯几筵兮肅光
儀于秩秩儼英爽之永圖兮力普存以承陰陽何矜矜
之難忱兮鞠茂草而吟蟋蟀留神栖以署扉宇兮雖雕
幾其楫楸之匹競斧析以供炊爇兮較樵採其功逸彼
梯航以遐致兮恒百值以輸一此日用而飲食兮豈侗

侗乎民質重日溝斷兮丹青變桐兮且琴委命兮一炬
修享兮千金若蘭膏兮遽燼及敗輪兮雁燐咸自取兮
曷咎孰然古今疑今有材莫任有突厥黔倚爨而吟適
勞我心

己丑初度吳蒼浮年文見惠佳篇依韻却贈

弱齡睽膝下向學擬朝暉漸摩師友力立說糾玄融濫
竿金馬籍遺情目介通原無我法恃况敢竊天功得失
委年矢听然亡是公隙駒擾擾移冬夏故國豪華感太
冲邇者逢君悲歌地不將珠璣棄璣璫淋漓八角戴山
秀巖集

卷十三

二

筆琅炳盈篇吳雷風訪道昔迷蒼玉室授簡莫與具茨
童誰開黃海齊雲面濯我三潭九井中

吳嶽人

負幞應藏

修月斧妙裁直欲織空濛鄙人尚有華陰土贈君試拭
昆吾銅

雷元方內姪自南來訪感賦

庚寅

賦

昔日家園別朔吹擁行軒今來石芝舍白露已迎秋昔
別子周紀今來又紀周不覺儀璘駛但知身世浮昔別
井間仍富庶今來共話丘墟處狐馳入室長子孫燕雀
僑依失恃怙青青尚保鳳山林蓬蒿應塞馬橋路荒衢

癡嘯集游魂鷄犬聲沉自昏曙餘生漂泊共天涯我迫
桑榆子若華玉壘雲迷無北羽玄亭草寂有南查烟蕪
迥帶傷心碧風雨長縈觸目嗟促膝云云悲且喜萍踪
慰藉俟吾子

遣懷八首

七言三句體

覆笥山肩輪廖館廢欽樹憶真陵纂誰泛香丸發秘簡

又

朝朝膏露薦長裾小小靈方乞隱居一生窺啓竟何如

又

秀巖集

卷十三

三

方外尉遲雲母餌箇中劉累力珠遺少壯復來何所事

又

探幽假得仲宣驢續酌懷來郎玉珠何處何時乏我須

又

道消三益逸入室思耿多男長盛匹區區不較髡名實

又

紙剪飛光失雪堂席祛重薦倚藜牀王子子先何有鄉

又

洛成那管風塵髣不惜希追霄漢駿愚詰乘除疇正閏

又

狐穴標奇豕的蹄行論業麝空膺燕坐觀心馬幾嚮

卷白波 有序

前人酒令中有卷白波者緣東漢平白波賊故

席間做之以快人情今九月內河徒蕩榆園賊

巢因取此題作紀事三解

卷白波傾黃流桀魁雖負固泥首隸陽侯將軍亟策馬

烏陣導潮頭解一白波卷榆園遷誰遣挽星河洗兵不少

延因之廣鑿溺莫僅甚防川解二慶賜醑卷白波閭閻無

秀巖集 卷十三

四

虎政擊壤起遺歌何庸樽俎謀草木暢陽和三解

暑雨谷 壬辰

修五行兮恒職適節宣兮攸如靖驕陽兮南陸晏伏陰

兮北居候離卑兮少女導靈液兮紫虛塊靡破兮塵息

物恢台兮清舒律移蕤林時乘潤溽疇豐炎霄翻盆湮

谷豈媧皇之功遺障狂津於析木縱左右之落千挾融

火以蒸燠慨燦龍之張醜偏黑蜮其摧藏希汗礎如玉

髓仰鱗涿而滌蒼知不可乎澮集徒構怨於巫尪審達

夫過猶不及曷衰益以燮雨暘乃馱斯凍不泓何衍建

級者乍塗溽者緬或丐威於霹靂或藉灑於颺轉或啓
景之不終朝或霹靂之判少選彼役萑其鳴池亘麗霧
而濯枝胡輝歎之蘊鬱格游蒙乎俯披徙燥土而巨浸
界雲霧以淅濱祗增愁建安之賦何關催工部之詩聊
臚摘其積愆聽弁師之自訟圮屋頽垣徽帙沓幪漲隰
丹墀殃稼稽種監工徒號黔墮損用商旅阻程輓航滯
供萃四民之愠尤指昊穹而恚諷善稱君父忠孝攸歸
以不仁委玄造於司存其重遣雖屯膏之應沛抑反汗
其遺譏將奉行之失當濫髮滴其淪墮况勸醒之滋痰
秀巖集

卷十三

五

譬飢餓而具腓誤美怙慝執是延非敢效忠告之辭代
陳救過之計爾有蘋末之良朋與夫泰石之昆弟贊招
涼兮披襟邀蕩煩兮倚筌甘澍令聞兮施身美疆豐功
兮昌歲視羣晉兮潦淫比惡謚兮幽厲何去兮何從尚
假旁謀兮贅喙

後緩聲歌

癸巳

向日之葵必有羞天之鏡石脾入水乾獨活凌風勁屈
軼末指奸雒常皮兆聖心之憂矣歌且詠復思召水之
獸必有却火之禽齧鐵無堅鐵噉金有餘金歲穰龍蟻

見旣羅鉤鶴臨心之憂矣歌且吟

續古咄咄

丙申

山有樗水有魚斧斤集網罟童鄧林餌盈車嗟材乏
慨澤虛揆攸自在溢祛悠私給畱公餘

耕者牛濟者舟不耒耜曷易疇不舳櫂曷從流風雨節
人事周歌陶雅狎陽侯適出處樂千秋

日之月中之盈雲撒藟暈規城愁魁狐厄巨鯨地維肅
天目貞齊七政順五行永保此載寧清

天五賊士三端或昌見或忌于浮沉易趨避難絕盜鬪

秀巖集

卷十三

六

回福利堅意城羣侮殫審迄圖息永歎

秀巖集卷十三

終

秀巖集卷十四

石芝軒五言近體一

甲申七夕

雌雷驅夕雨，秋籟入簷珂。獨有羈懷者，無如鄉夢何。競
悲魚泳釜，空羨鵲填河。斷續砧聲急，疑聞燕趙歌。

乙酉上元同鄉共集石芝菴觀燈

蓮漏塵初定，燈輪景會清。人尋苦後樂，月倍食前明。
月夕擊筑家家酒，呼茶昔昔鐙。相期秉燭意，聊用慰羈情。

又

秀巖集

卷十四

一

紅妝聲匝匝，青桂影參差。游戲歸三昧，光華泛九枝。坐
移不夜域，對酌早春卮。魚鑰無扃夢，陶陶度錦湄。

贈寫照王生慕周

西京人物數之子，亦清流能事窺。摩詰前身或虎頭，曲
傳山水逸韜摭。豹龍優不聿兼知，我移情到壑丘。

和黃慎軒秋牡丹十六首

駟霜疎老圃，丹秀恰宜秋。影日舒清豔，趺雲傲赤油。東
皇憐舊賞，西顥結佳遊。好續清平奏，金風解破愁。

豈是隋園綵，何如裴第姿。春華疑隔世，臘萼不同時。客

燕懷芳訊寶鴻掠影窺若教陶令見把酒向新枝
競葩時已改無佛處稱尊灼灼西顏景姍姍倚醉魂凌
霜天與貌腴卉日何恩俗眼從青白成蹊亦不言

幽姿嫌錦簇亭幹謝麻扶澄景顏龍火芳園煥鼠姑
峯檀暈倒風拂鶴翎殊誰識濶天下崢嶸九葉珠

浮雲凡富貴能得幾回妍天意存嘉樹秋容委蛻蟬乍
看烘日處却肇小春前稜石來相命修篁失獨娟

絡緯啼金井香魂招却來不同風葯靡取次日精開鳴
賜克青使影娥得素陪誰云辰德肅執矩亦憐才

秀巖集

卷十四

二

雁引清商氣龍盤烟景枝不圖下葉候尚有振英時孤
韻寧驕蹇涼颺耐靜持張蘭展高賦爲爾一摘辭

高天如可問爽節覲花王楷蕾迎風放葳葩挹露涼色
分流火艷侍命效殷粧說向籬邊槿春秋幾許長

梧葉已乘令花師術莫陳蕭蕭征蟀地忽忽囁鶯春遇
目非標異聞名却領新何須從籟外蘭菊悵懷人

名花繁族類舊譜詫奇逢得此回秋律尤能起客慵影
斜增日麗色重入杯醲漫道寒砧裏輕盈莫適容

五衢聞少室百葉訝新開不假朱幃護何妨青女來神

同姑射侶駕或鶴林迴閱盡炎涼態芳叢絕點埃
禾黍西風勁春情矜獨舍品題原拔萃狎獵遂幽探解
恨傳亭北豐翹擅雜南翰香秋社集書合興餘酣
四序春長駐曾聞紫府居豈逢七七術特幻天天餘避
地芙蓉末尋盟松菊初移株興善最欺凍迴難如
焉得移春檻標題建錦幢光儀王謝集丰度阮何雙澹
圃殊生色羣芳若受降寄雲玉溪子夢筆欲齊江
白木英重爛青霜一任賒戎葵敢較本根潑漫知花香
砌窺荀令霜天靚萼華增城教晚發不復詡楊家

秀巖集

卷十四

金氣經時察雲芟竊大還醑醺懷執友蜻蛚識芳顏殘
藥酥煎供新苞帳護攀幸遣野鹿如畱取伴幽閒

和朱滄起老師園居十首

仿佛娜嬛境天游愜素知訓雲濡虎僕潤卉勅蛇醫世
重潛夫論情深束哲詩俗塵許就澣不獨飫分芝
取適忘機侶閒吟出世身積書仙蠹質閉戶老龍鱗谷
口何私鄭桃源不隸秦惟餘宗炳輩長得訪遺民
大文天地閱尚憶包山謠地入仇池夢人同桂樹招松
筠無俗韻蘭蕙長新苗掩卷尋儵樂扶藜向柳橋

蟬吟靜鳳阿鶴夢隱龍莎石蠹栖雲富亭虛受月多帚
編研露點牛遂遁風歌襍穢稀來往時衣換芟荷
選勝稱誅茅高深任地殺晴雲留日麗寒玉戛金敲芳
草堪紉屨幽禽串咬嘲問奇雖不拒亦擾讀書巢
無營足道心何事入山深善挽攢眉轍渾忘抱膝吟照
人珠在握命世翰如林至此移情者茫然廢故琴
邵平成藝圃康樂賦山居歛石流分枕斜暉髮對梳雲
霞與晨夕魚鳥共蘧廬負笈懷三益時來較秘書

秀巖集

卷十四

四

日子猷竹郵風貞白松勅厨無異味薇蕨及尊葑
構園名解脫遯世遂幽棲菊藥斑烟徑梅香汎月谿導
輿稱盛事課子有新題日日羣鷗狎相將趨綠隄
鶴猿諳日涉來往信招呼樹石森成列亭臺中布膚逃
禪原有爲處世合循愚豈效陶朱子千章課木奴

夏至前直廬偶賦

尺五承明地齋居靜道心
蘭言逢擊節華髮快勝簪
松栢看新沐禽虫識故音
思餘星聚夕候氣欲生陰

繼百史挽莫文學幼輿詩四首

丙戌

俗士矜遺業胎謀忝肯堂多君知保璞有子快稱觴後
進推元亮前身或漫郎堪憐占象締寂寞少微芒
淒切滄桑感徒殷出世心青山何處是白業寄情深待
價原鼃采希聲自太音所嗟無華土寶劍作龍吟
著作虞卿富詩書覓德隣無管齊物我有道樂天人良
驥才兼足神龍性本馴扶搖不假力空羨北溟鱗
慘澹龍蛇歲蘭茝玉以摧筆花徒有夢征草悵無媒此
日騎箕去何年化鶴來大拓難免俗名允署丹臺

送高念東還里

秀巖集

卷十四

五

去國云耽病林泉有舊盟金門原寄跡瀕海欲移情陌
柳倉唐語郵藜太乙精緇塵袂客袂隨處攬澄清
皆決函三域悠悠去任心岫雲迎倦翼梁月度幽岑石
蘊龍門史箋傳正始音何時攜異簡來就讀書陰

贈劉練溪宰江陰

星聚三時事符分百里行和軫驅熟路舊曲譜新聲申
浦儀仙鳥甄山引使旌尊前話夙好去任總關情

贈朱奉嶽少叅之任赤城

紫閣論新勦輜軒指赤城撫原開寸澤監牧閱繁生修

飭今文季廉能古仲卿居庸關外柳青眼送行旌

送曹秋岳南還二首

何期鴻翔手濡筆賦歸田守命同磨蝎觀生委蛻蟬浮
家仍孝友閱世且山川豈效悠悠侶榮通託養玄
不盡匡扶業貽謀待後昆叔通稱法鑒元亮有蕪園天
錫湖山長人操几杖尊東南吾道在聚散信乾坤

送趙洞門還星沙

君今尋楚棹我尚滯京華回首逢雁共懸情去路賒湖
平當八月園涉茂三花初返萊庭服蓬壺卽蔡家

秀巖集

卷十四

六

季夏六月同孫北海胡此菴左且明梁芝三戴巖
犖裴晉卿避暑農壇二首

銷夏開尊處迎秋尚日長壇圍松影靜卉帶雨痕香耳
日移塵境乾坤到醉鄉何須局斗室高臥話羲皇
避喧偕靜侶近郭遂幽尋履畝回春夢看雲幻夏岑荆
榛迷輦路禾黍秀齋林俛仰還陳跡尊疊莫厭斟

初冬陳實菴邀集齋中卽事索賦

佳會循真率寒華尚薦芳陽春生几席朔氣遠盤觴下
榻慙高士開幘憶故鄉出示趙文玉賓皆逆旅乍得却

愁方

入室依蘭舊開軒泛菊清圖書行素業絲竹友于聲避

世同金馬

文壽承
鐫章

逢場有玉京孟公投轄意亦是自陶

情

既序戴巖犖太常丁亥草復賦此柬之

平生作迹手處處欲追逋果腹青精餽開軒白澤圖瑣
言歐鼠璞綜禮逼鶉觚聞道揮毫際頭蓬不暇昇
分得中郎秘慙非玄晏篇隋珠命世寶愚哲有同憐彈
鵲君知情探驪我遜先封題歸舊檟光氣尚依然

秀巖集

卷十四

七

孟陬十九日同楊愛竹童天目向西崑暨松栢上

人遊白雲觀村至王弁邀飲彌陀菴漫賦四首

戊子

諺節傳燕九游情萃四關奂輪殊昔構耕鑿際今閒寒

凝前通瀆春蘓尚蝨山他時追此賞鈞奏有無間

緩轡春光裏仙都郭外斜麟車紛大道村酒詡流霞雲

淨無來鶴山明欲放花聖凡原混跡何處訪丹砂

寥落玄虛境駢闐跡尚饒看雲歸舊賞走馬寂來朝席

地偏舛集帘丘每客邀良辰假大塊隨處挹清標

廢寺開樽乍兵荒景拾遺管絃山水曲士女古今詩感

序心難鐵經霜髻易絲至寶方外侶莫漫羨安期

北郊晨歸歷後湖有作

人烟移舊郭車騎競晨坳破寂鳴駝巷扶欹臥漚亭嶺
明遥樹雨風約半湖萍偶憶山居處從師此抱經

陳生洲前輩挽詞四章

有序

僕于生洲先生追隨史局司教詞林蓋五年於
茲麗澤資深親切芝蘭之入典型仰止消沉珠
玉之輝事與時移悲同感積署中染翰以擬大

招云爾

秀巖集

卷十四

八

夙望歸龍種芳名振鳳池南宮留藻鑑北羽緬遠儀寂
照青藜閣遺章碧落碑秋聲同聽處躡影倍悽其
伏案披疑霧遺情避世喧詩書森玉律弓冶啓金昆入
夢人琴感探奇翰墨存德星難再聚何處禮游魂
鳳卜諧昌世龍驤蚤空羣懷珠光日月楨國際風雲天
假師模峻人依斗極殷升堂虛右席後死慟斯文
經世陽秋手論文伯雅杯研鄰風習習愆映草窸窣天
不慙遺老人徒問夜臺騎箕懷礪楫光燭尚三台

贈裴晉卿侍御督漕二首

計國借乘驄前旌度朔風接舲商相用盈廩漢侯功櫜
擊甘棠浹關臨守豹雄感懷嫌越畔珥筆欲何工

星占移柱下鷁首競南趨楓落寒江雁兵訛擾岸鳧簡
書雖可畏民力奠全賴共企春風雨熙和及轉輸

元旦二首

已丑

苦廬驚改歲躬閱醜生勞米索東方朔花悲北郭騷

時案

瓶貯有新開芍藥
因用長吉見句

伊唔兒慰藉茗芋僕周遭鬱鬱將何

語賤天不謂高

雲日新庭圮幽栖觸感屯絕裾迷覆鑿焚玉愴游魂益

秀巖集

卷十四

九

逸坐廬夢堪嗟皮骨存浮生窮寄寄未敢信乾坤

三日次兒率伴讀幼童出就外傳

羣娛方二日奉帙喜從師序搢朋呼出歸矜字辨疑荷

人偷點畫屬對識敲推旅泊逢衰莫琴書幸有貽

送張伯珩侍御按蜀

天險蠶叢國星占鷺羽車蕪田愴佩犢石室鮮遺書新
構資雄畫殘黎待莫居悠悠西望處故業有耕漁

送金豈凡司空假歸

南風導北鷁不是爲移文十載松楸慕盈庭蘭玉芬優

游仍綠壑舒卷自青雲獨有無家者悽懷鹿豕羣
歸趨尊鱸美編摩別息齋湖山欣有主文酒感同儕夢
託垂虹棹思餘糝玉街圖麟未峻業豈得辦青鞵

送蔣虎臣編修假歸

藉甚弘文彥承恩出帝畿布帆楊子渡竹徑蔣生扉琴
瑟新琳館輿觴颺綵衣足知冠蓋里樂事備庭闈

送范端然之任河南臬幕

栖志嫺幽討宦遊亦勝遊白雲山帶郭紅葉水盈疇縹
緲亭畱句迢遙宮引眸平生期許在後樂起先憂

秀巖集

卷十四

十一

劉憲石學士招飲逋齋二首

退食宮環堵南柯肯寄身好風來淨几遲日隔緇塵北
海尊前客西銘座右人耽玄寧寂寞賓戲且娛賓

至閒酣墨戰客到每詩連康樂蕉華贊淵明山海圖微
存圃稼意不減詠觴須靜悟盈虛理秋輪幾度孤

時蕉花大

放

中秋感懷

爽夕峨輪滿新庭寂歷秋瓜筵誰弄影香几誤聞謳風
咽寒葦股雲寒夢鳥慵綵囊金露滴無故學泠眸

薛行場大司成招飲桴菴二首

啟軒爨鼎氣擗管化工裁松菊忘年友翠書步武才
夢餘春草句客共紫霞杯弱思樓居外天涯信里隈
文酒陶嘉月秋園散翠陰羊求諳徑熟謝鮑託交深
高遠竇瀛壁希夷太始音無勞投客轄良晤惜分襟

呂蒼忱修撰得請營兆率賦以旌其行

玉桂儒林選松楸孺慕餘南帆邀錫類朔吹冷征裾
靜坐山川語祥開雉兔居釣璜徵世業翊運永終譽

書逋齋集二首

秀巖集

卷十四

十一

昔賢耽吏隱吾友志逋齋抱膝歛瓊枕衡肝咏阮懷
禽魚親岸幘竹樹習盤階近市羊求徑探奇樂有儕
心珠迸不聿出處總閒情尚薄升堂選寧邀集覽名
興觀畱四始淡靜却三彭空笑悠悠侶乘查覓闡瀛

三日立春

庚寅

雪圃愆冬令愁居度朔風占雲三建後催藹七番中
生計荒扉北閒情負郭東豈無春醞湛不返老顏童

贈上舍王涓來年姪還楚

杙纜黃江爽龍文接雁行劫灰經赤壁故業起青箱
吾

友箕裘在他時竹帛光臨岐春事駛鄭重紫遊韉
贈朱梅麓予告歸省

載筆芬前史衡文領一經早蕪榮子舍畫繡入椿庭介
壽樓峰學追歡蠟屐亭畱連忠孝意家國閱車舡

挽梁素洲禮都諫二章

作述紅蘭省應求道未孤汪洋臨萬頃光澤挹雙珠石
火移高躅楸風慘束芻貽謀堪百世後楷自吾徒
椽筆文壇伯梧垣諫草雄素餐箴七序介守藐三公薤
露歌燕邱龍泉揜闕宮無緣終請益顧影嘆心違

秀巖集

卷十四

十二

新霽同梓里諸君子登昆盧閣環眺

塵息濃陰界天開遠照圖林端明野潦身外接平蕪踪
跡岐同賞鄉山隔引盱當年凭檻幾尚剩老眉鬚
供張頻來地撫松復倚樓鶴鈴移昔觀甕牖感新繆疊
翠回枯眼洗青慰棄疇開襟逢益友盤礴劇丹丘

和春坪登昆盧閣四首

車馬青門道腐埃不入樓如何指顧處偏集去來憂赤
地屯膏久蒼垌潤氣浮羣情懷後獲阡陌聆油油
傑構資清眺寒光快俯吞黃萋餘圃卉綠澤帶苔痕導

浸魚鹽市鋤荒薜荔村暫分天半賞身世頓辭喧
層梯盤窈曲接武逴聲蹇極目渾郊郭振衣出栝松觚
椽來乳鶴堦城浣雕龍送客纔稱主樓觀盡客蹤
飛檻殘風雨徒滋劄守憐聊覓瞿釋閣一問屈平天度
世心同熱逃禪髮已宣法雲雖灑潤何益劫灰然

季夏望送曹秋岳南還二首

髮道緇塵隱幽期出處同桑研擾靜壑燕市有冥鴻信
宿嬰求處畱連陟望中白雲將客路知不賦秋風

高寄蒼青簡奚囊聞見存羈懷妨毓轍游跡自龍門役

秀巖集

卷十四

十三

役長安陌悠悠夕照村故園松菊茂且用靜心魂

寄懷倪伯屏二首

奕局掀星野流離憶女生停雲驅副墨弱水限求聲白
業聞熏習玄言小論衡如何來弋慕吾道委難明
於忽聽龐操翺翔詠統詩畏鄉堪避世吳市慰來儀管
樂聊幽侶瞿曇偶導師君情亢霄漢憐我尚栖遲

秋季贈雷元方遊秦

旅依同夢寐行笈忽臨岐祀菊秋聲道松楸故國思繼
韓探華嶽入雒訪邕碑甄貺奚囊富阮途信所之

贈同邑周子謀

字爰度生長江寧未諳故里同元方來京邸

君家聚族宇後圃帶雙溪生長金陵習興亡錦里迷不
囚同命駕那識共羈栖此去長安陌岷峨望更西

張葆光侍御招飲書齋二首

避人焚草處有客問奇來綠潤深秋圃香浮卜夜杯乾
坤驅莽蒼書劒老風埃潦倒高齋話羈懷暫爾開

落落同門友菟裘並燹餘攀枝懷舊隱

時齋桂九月爛放

泛藥

總新居去任秋霄雁寒暄靜翁魚肯令焦竹訟輕率擾
灘書

秀巖集

卷十四

十四

元生幼黃別來一紀孟冬四日至自江南感賦二

首

汎宅新灘酌聯檣信宿緣水輪驅日月兵劫徙山川南
雁畱雙影西桐慘七絃傷心迷始卒漫說令威仙

湖光分畫舫巖瀑倚東軒屈指殊今昔酸心話逝存從
前衿玉樹亂後見金昆再闢淵雲業相期入蜀門

懷柔鍾鑾坡書齋二首

幽墅開南雉圖書愜素襟養風新墜竹邀月旋調琴馴
雀喧庭靜寒花茂砌陰疎籬罕剝啄何羨入山深

循咳承要訓，扃戶擅三餘。草碧康成案，華芬靖節廬。問
奇時有客，甄貺乍分余。落殖生平感，圃農委不如。齋後
卽場

圖

南城俯集

埤垠紅蘿麓，樓觀靜容思。日中雖爾爾，郭外自熙熙。衣
食謀殊約，駟牙智莫施。從無兵燹患，天道豈難知。

東圃

土垣周十畝，茅屋敞三楹。竹樹離離合，葡萄顆顆晶。寒
花供野酌，賒晷足游情。更愛往來侶，全無令長驚。

秀巖集

卷十四

十五

東阜望穫有述

淳朴山川別，蕭條畝畝秋。牧羣聞有令，歛穡若期疇。擊
壤歌誰嗣，吹幽事已悠。寧知溝洫意，粒食代人謀。鐘翁
肇峻

今受
圖矣

春適八五吟二首

辛卯

方同阡陌去，晴朗湊馳驅。烟鎖池塘柳，風飄棟背楠。抱
蹊聞犢叫，隣砦習鶻麋。橫墨瞞情根，新酷減餒酣。
矯擻矜藏發，昇龕斟煖情。鎮燄邀耨蕘，初適解懲營。視
榨知儲蟻，擅蕘燁齋禱。彈冠芬杖履，珠斧礪彌錡。

贈王寧我之鄣幕

昔泊蘄春淡攜尊九日湖重來取閨月極目屢兵區借
箸開蓮幕探囊佐虎符冬君蘭臭室何事仲宣吁

贈王覺斯宗伯奉使秦蜀修祀事二首

紫宸開有道君職協三靈祀冊通西極薰風拂北軒關
彌仙伯氣蜀膺使臣星我有歸田賦因之寄錦屏
雲署停刪定龍門起壯遊蓮峰矜秘貢錦水剩冥搜姓
字山川借文章杖屨留星輶攜鳳友何事嘆途修

贈白東谷學士修祀吳楚

秀巖集

卷十四

十六

崇堙傳北制入夏賦南征暫輟編年筆猶殷陟吧情羹
牆升降業吳楚峙流旌歸佩秋蘭馥佳遊賈馬卿

贈劉雲生工部榷稅荊州

荆沙豪侈日賈舶奏如雲榷署絃歌裏閒情筆墨分駿
才逢寂歷筋畫漸紛紜鞠草章華地焜煌擬屬君

李筠圃同年挽詩二章

龔蘭踰廿載出處炯相關幹失龍門秀儀懸鶴禁班反
周存禮樂赴范阻河山極目連雲棧悲餘漢水潺
北斗留師範南雍借典刑挂冠驅鹿地稅駕茂荆庭業

嗣琴書素魂依松栢青應憐漂泊者生死耿蒲亭

盛止伯訪余燕邸遽爾言別賦贈二章

盍簪尋舊好生死總堪論竹徑來幽屨蘭窓挹至言彈
冠虛貢禹叱馭愧王尊市駿臺邊酒雲交感慨存
蟻戰吁文舌鴻冥息弋心已拚南北跡欲罷山水琴忽
爾飛雲翰茫然有足音感君敦古誼分袂重沾襟

七夕臺飲

秋林浮晚翠雅酌坐氤氳燈迴旛竿照臺虛野吹聞行
年唯拙守服食許恒分俯仰依靈匹雙雙隔素雲

主人出家

秀巖集

卷十四

十七

姬倩
觴

贈郝雪海侍御按蜀二首

蜀門扁沃野自昔擅名都井絡纏兵氣於今緬壯圖占
星邀錫福負弩耿前驅極目西風道綬獸報塞俱
土滿勤西顧觀風簡大賢棧雲迎節澍錦水照驄韉蔚
起文翁化爭後叔度年吾儕雖浪跡攸賴首丘緣

秀巖集卷十四

終

秀巖集卷十五

石芝軒五言近體二

真武宮

壬辰正月晦

天保克庭祝崇禋北極宮
貺甄存古樹匠構倚丹楓
環堵仙凡界遙天鼓吹風
清緣難信宿馬足慣塵中

又

稅駕玄真地悠然靜見聞
龐眉衣憤在老眼市朝分
駐蹕傳英辟稱觴及聖君
爐烟春殿曙縹緲結卿雲

紀坐客所談洮河珠子凌

秀巖集

卷十五

一

巖凝西北劇洮水闊奇
峩玉碎迸鮫泣雲寒闕蚌胎人
言怪少見吾意派員洄宿海
循支汎驪龍領下來

范貞女

百兩何曾御冥婚若有期
愁雲彌子舍父母晚皎日矢
留不得

夫帷玉雉寧甘碎金鸞不照
悲素心通草木庭前海棠一夕化素

豈是與聲施

扈駕臨雍

尼山天地永壁水帝王尊
俯蟄將移律飛龍式御軒
旌旗光鼓篋俎豆薦雲門
左右峨峨彥趨踰集聖孫

又

極北敷文地凌波玉輦來重興周禮樂大振魯英才
衰
纒岐陽鼓松園御幄臺百官真見富楹莫夢悠哉

又

鉤陳垣壯麗膠序氣高明釋奠師儒禮橫經啓沃情
茶
剪沾侍從教鐸敕司成共仰卿雲且李尤賦欲廢

又

典學文明代璋髦萃八挺羽林思脫劔繡服快依旃
先
後原同揆經綸肇御天吾徒逢道泰不負課遺編

秀巖集

卷十五

二

賜馬

寒劣容臺署馳驅玉筍班雁行承御賜駿足出天閑不
向沙丘索真從渥水還圉人前導處高步信輕閒

又

華陽徒棄擲恩錫及臣工戀棧嘶辭闕離羣立嗅風先
鞭吾意懶後乘爾途窮敝阜聊栖止歸隨錦水東

聞雷元方內姪捷音志喜

萍梗非長計墮篋企振芳蒲亭仍目斷檠榜忽名揚筆
陣干戈裏家乘詩禮頡老年逢屬慶晝錦劇還鄉

送大司農党于姜致政歸里二首

北極依卿月西郊餞歲星御裘光解組上駟導歸軫賜

裘接武夔龍胤長公以計頤神道德經陳倉天尺五松

徑尚餘青

天語嘉肥遯星輶向寶雞子牟心自在賀監躅能齊猿

鶴來閒至桑麻話舊畦棧梅先意發紫氣繞關西

題四色菊冊

應候籬東秀開軒研北圖紫雲浮玉案絳雪照金鋪

圃春欄寂龜山羽駕無誰能同五柳取醉白衣壺

秀巖集

卷十五

三

題絳桃白鵬冊

雲霞輝几案幽致靜披襟灼灼綏山萼茸茸越嶺禽華

宗標夢筆珍贈伴名琴何似栖梧羽能諧嶰谷音

題月深海棠冊

籟寂春園夜何人解洗妝橫枝烟冪淡挹蕊露珠灑北

鳥分幽夢西輪戀曙芳故園空爛熳燐火照昏黃

送總憲房海客致政還里二首

癸巳

玄武留冠在青丘去路賒琴書閒歲月松菊老烟霞度

陌春鶯曲攜壺夏樾車清風餘兩袖服食有胡麻

又

緇塵遠鷺軾芳草蒨雲門柱下標玄牝花邊暢綠尊規
譟儀伯武屏範耿喬孫未竟匡扶業崢嶸起後昆

送大司空張蓬玄致政還里二首

夏圃懷東里春帆帶北流道存玄塵秘名遂赤松遊天
不衰刪定公進禮樂二書人咸仰作求狂瀾看砥柱自足傲千

秋

珠光連後乘藥石起冥頑物博司空筆名高吏部山耆
英稱碩果達德注宸環猿鶴依依處主人暫爾閒

秀巖集

卷十五

四

奏事南苑四首

季春六日

靈囿辰樞次晴虹午道灣聯鑣敷奏侶蔭樾起居班玉
食三畝供鉤陳疊帳環樵蕪忘帝力化日享舒閒

又

丹幄臨千畝青郊總萬幾戴星循髮道向日覲宵衣野
爨烟柯纈春光草際歸路逢饒意氣竟是傲輕肥

又

馳道紅門迴鋪茵紫陌柔狃榛寬祝網稼穡俯迴駟不
有封章騎寧知黼展謀萬方仍隔畛錫福慳宸遊

又

詰旦清明節旅來獻替心友聲聞出谷羣牧適分林扈
帳邀茶酪咨疇撤釜鬻泰交朝野合何事戒從禽

農壇小憇二首

敞榻蔬畦畔勞入道院來偶披商仕帙案有商仕要覽一書悔墮

利名隈遲日遊仙枕輕風樂聖杯遙瞻松幕下感舊重

徘徊

丘壑中局老風塵息處便西岑延啓牖北雉入浮烟分

貺芝田菽邀題魚卵箋春光餘廿四纔得叩玄詮

秀巖集

卷十五

五

送梁芝三考功予告奉慈闈旋里

愛日輕影組薰風愜懣導輿信帆青柳岸壽筇白雲居橘

茂舍飴處蘭森訓禮餘永無瞻吧感何事較温裾

送張玉調少司馬特恩還里

閱世原如此松筠愜所招焜煌庭訓地尊人中丞燕衍家公詞林

璞歸標永避京塵化琴將聖石調回尋蟻鹿夢公歷任刑兵侍

郎祗用綠尊澆

贈李確菴太守補任江寧

世業開清白官箴切飲水祗求襄祝網無暇計汚蠅舊

澤人尸祝新劄郡股肱行標循吏傳仙李肇金陵

又

崇菱畱東海征帆指白門陽鱗應避轍陰鶴豈縻樊擘
畫龍盤麗酬知熊軾尊羔絲恬退食秋水靜心魂

送喬肖寰侍讀予告還里

吾道豈沉浮入宜置壑丘菊園歸靖節松徑訪畱侯病
得觀心法天開出世謀回看塵鞅裏衣錦競宵遊
送黃恭庭少司寇予告還里

星履追隨久風儀愛敬存祥開槐棘列興寄菊松園乘
秀巖集

卷十五

六

傳嬉家食遺經與國恩秋鴻霄漢翼未許技廳論

送王定爾編修予告還里

有學能窺豹忘機合狎鷗蒲輪方遠出藥裹且歸休夏
權員官道秋葺枕石洲龍舒名勝地負笈遂幽求

送李五絃大司寇予告歸養

國重祥刑寄情殷齧指歸鳥私叨異數驛路擁光輝介
壽新綸緯同堂舊綵衣更餘羅鄴軸不復羨鱸肥

贈余浣公宰封丘

晚成原大器新畫肇封丘迺往農桑課前來父老謀勿

夷操割術須副牧芻求側席殷圖治廉能是蹇修

贈吳春坪憲副之任

蒙難西川社比閭北闕身訂頑君款款分益我津津水
鏡秋天迴遠儀玉節新政成仍第一心畫豈前因

贈周肫生司理平涼

龍圖饒武略鸞御指平涼家譜分循吏人文蔚大方雪
花寒劔佩雲氣霽書囊好訪崆峒秘胥庭佐父康

挽胡此菴學士四首

和璧矜南國隋珠表北扉仔肩圖命世笥腹總忘機作
秀巖集

卷十五

七

楫方殷濟乘機遽邈歸嘉言猶在耳吾道嘆中微

又

著述逢秋實浮雲外置身司成縣大冶明善作傳薪賦
射來無際鳳歌衰有因招辭諷宋景耿介與天隣

又

逐臭耽奇癖伊余忝友生依依蒙難往矯矯釋回情未
竟千秋業空畱一代名伯絃臨欲斷山水蘊淒清

又

弓冶貽謀遠光前啓鳳毛闔棺雖論定將毋尚魂怵靈

施桃源迴風儀玉署高九原如可作翊運失蕭曹

甲午元旦

翠華祠太乙晴旭影歸幢蹄踐瓊瑤碎輝喧鼓吹雙錫
班分掖進龍陛祝年厖荃宰逢開泰卿雲兆殿邦

又

淑景開閭闔遲曦敞御筵饑鷹希餒食仗馬喜朝天濟
濟從龍彥煌煌待譯聯素餐賒十載長曆慶堯年

三日招集諸友

乍雪三朝靜玄霏四座歡誰能逢快友尚復耻粗盤書

秀巖集

卷十五

八

畫船如在蓬壺路自寬良辰矜尺璧直欲拂塵冠

十六夜月坐

子雨雲扃啓春光喜倍還金波晴帶潤玉醞醉乘閒架
帙疎良夜帷燈對老顏泥塗遊興減隱几卽岷山

方坦菴同年嶽降次余一日相別十年今始聚首

率賦侑觴

倚麻追往事石火閱浮生度覽雖雄甲占同先後庚暫
依燕市犖共老秣陵城世上三多祝惟君實副名

公齊眉五

男科甲競爽官詞林部郎者二兩婿孝廉內外男孫廿餘皆英妙並集京邸

送內姪琬還蜀秋試

燕遊重閱歲仗策復西還
競身金牛峽浮雲玉壘山
槐花催夢筆桂籍煥襟顏
振業先茲役無辭跋涉艱

端月三日曹娥雪劉憲石方坦菴薛行屋諸同年

小集蝸廬二首

玉署晨星侶蓬門午月觴
悲歌同改燧南北總維桑
曾慕耆英社俄辭少壯行
相緣真摯意不逐世蒼黃

又

役役平生感悠悠出處身
老楓隨羽化孫幹結琴因
世

秀巖集

卷十五

九

事堪同醉天心不忌貧
蘭言當此夕始信白頭新

五日禮署兩宿

風雨彌端日槐庭引晏陰
破床移永夜漏屋理乾金
燈火家家息軒墀處處泐
懸知方澤裏湛潔注流深

兩集桴菴諸同館年兄首唱見示繼咏

玉堂餘五老蘭室足千秋
座逼催詩雨談酣久酒謀
郭南移舊邸研北引良儔
健會他年憶乾坤信是浮

李爾馨文學見遺秋海棠

苔盤鋪緜蔭石竹對天斜
疏節通寒氣迎秋綴落霞
不

媒蜂友釀傳乳露珠芽淨拭攤書案移來韻士家

又

芳歇鳴蜩候風舒絳甲舍耻隨金鳳媚小遜杜鵑酣繡
葉紅絲潤承跌碧玉參知君勤款意舍北幻江南

詞柳鳳瞻次余秋海棠韻

名竊西川豔絲垂北簾斜瓊宮金粟座閨苑火珠霞醉
暈羞臨目慵眠護長芽不緣邀筆寵空負到阿家

又

生來無熟骨芬麗習韜含不競冬瑰賞寧辭夏槿酣金

秀巖集

卷十五

十

風憑卉妬玉露許臺參柳暉真知己裁詩錫圃南

逋齋集同館諸兄弟觀蘭

名花逢韻主私賞頗能公靜氣偏宜月流芳不待風漫
題蕉竹訟爲問菊花叢終古長無絕寧矜入室同

又

亮節秋同肅閒情物受裁當門荆棘翦退食玉芝陪楚
畹移東閣遲觥發北醅幸緣分臭久芳澤襲衣回

原礪岳同年肇晉宗人府丞

京兆推人鏡瘡源重保衛品才邀帝簡禮樂贊宗盟世

曆周麟趾官階漢介卿清華看晚踞端不負平生

寒廬小集曹峨雪以詩見投依韻裁答

久別成良晤長懷聽浩歌龍飛七碩果雁序五鑾坡暫
共都門酒言旋大泐阿秋蘆晚泊處溯憶此宵何

又

提攜回舊夢西竺復東湖別緒仙舟月重歡帝里醑每
分金蕊賦欲換寶丹膚離索何煩計憑依德不孤

趙洞門都憲招觀家樂

令公娛晚節徵麗盡垂髫座有佳賓客時呼慰寂寥流

秀巖集

卷十五

十一

雲秋幕積芳醞飲脾驕潦倒鈞天部還疑赴夢邀

又

僕僕塵勞裏幽軒與秩筵不因公獨樂何自覲羣仙曲
省周郎顧情輸白傅憐應知見慣者久習絮泥禪

中秋次憲石韻二首

病目慵親帙長宵避燭明淖雲疑澗漢珪月忽催觥浮
藻中庭蕩吟蟲永夜清旅踪彌四序豈是傍秋生

又

爽照開秋半寒廬倍物華借君詩濯魄慰我賦無家鬪

頂畱霜少虛名失路遐步簷牛斗下萬籟入悲笳

宗凌霄偶興南帆詩以送之得二章

僑寓成桑梓秋風蚤脆蓐一官成逆旅泛宅自天倫衣
遠京塵色杯添海岳春親朋憑寄語戀棧有癡人

又

南國三千里仙居十二樓人間清福地高士往來悠前
導辭巢羽真同不繫舟應憐久客者松菊委菟裘

題趙友沂冊

世德星沙迥班行玉笥清工師疎尺度造化畸陶成露

秀巖集

卷十五

十二

湛蒹葭浦雲深鸞鷺閣奚囊饒錦翰衰颯陋蕪城

又

客舍連吳楚交情注漢江詩筒尋麗澤庭訓挹淳厖傑
構空宗匠樛材恣小邦地靈今未歇鄂夏耿無雙

薛行屋同年補禮部侍郎

授簡停綸閣清曹倚毗新素交何久暫悼典有臣鄰鶴
壁懸高韻藝堂閱靜身玉衡開鳳曆寒谷委同春

又

蘭譜逸灰劫鴛班幾樂羣自公來粉署慰我附青雲麗

澤邀天錫漸儀鎮世紛寅清偏氣色吾道共氤氳

乙未元日

兆叶天邊黑靈分井底丹况無剝啄擾羸得校讐寬椒
栢消三雅松筠耐十寒遙瞻雙鳳闕星履限南端

十三夕元生兄弟小集

跡愧金門隱珪輪老客春誰知離索感乍際勸酬頻夕
座環昆弟天涯略主賓燈前揖別影同是未歸人

又

帝里張燈夜公車聚首緣闔爐成小酌尚友訂遺編簪

秀巖集

卷十五

十三

紱三傳地烟花四照天老夫賒逸興童冠共頽然

贈狄陶隣

簡命新三楚文名舊兩都提攜軒氏鏡探取洞淵珠八
九吞雲夢千尋正斗樞薰風南度處迎楫聽歡呼

送少宗伯呂見齋予告還里

十載蠻坡侶容臺倚玉標挂冠遂神武展帙對中條心
跡雲舒卷行藏歲莫朝虞絃未絕耳猿鶴靜相邀

又未元日

暫別寅清署南風導駟車泓芝輝晝繡環堵駐春華終

爲蒼生起何言白日賒塵緣逢頓息繼業啓隨嗣

宋玉叔遺肅刻閣帖

瑤草未可卽凡胎幾換仙幸分三益澤勝讀五車緣隴
右懸秦鏡燕臺邈楚荃竭來光几案閣帖觀曾玄

贈少宗伯薛行屋予告歸省

接軫薰風度

長公新第隨歸

還鄉愛日情王綸光四牡子舍颺

輕雙旌世擬公卿長人兼德壽名松筠同撫地醉後綵衣

贈劉雪符司權濟聖

秀巖集

卷十五

十四

八月乘槎使三吳賈泊潯關流通子舍門市見臣心楓
冷吟觴岸蘭馨去佳林感懷清狡窟耿介裕官箴

梧桐子

候雁篆晴天西風落照前銀床疎碧幹橐鄂篆金蓮鳳
食何須竹龍吟不待弦漫云松實美能佐僮佺仙

送曹秋岳方伯之嶺南

司徒虛借箸岳牧暫兼權百粵甘棠始千秋朗鏡懸朔
風俄席雪嶺旭且梅烟寰有寒暄概輸君耳目前

又

征帆開北渚使旆指南藩每切萊庭綵何云薇省尊浮
雲甄事業止水閱乾坤余亦知飛倦臨岐空復言

季冬朔二日雪霽蒙 恩賜御筆雪村歸騎圖恭

紀二首

寶墨頒天府綸音錫禮臣昭回雲漢倬慰帖澤丘因什
襲防飛去高張喜趨貧衡茅疑故宇策蹇近乘春

又

陽生纔七日瑞氣滿三台拱璧叨宸翰同雲綻嶺梅晚
鑣詩興壯歸徑酒帘催拜賜逢新霽天人愜有開

秀巖集

卷十五

十五

丙申正二日公集演文心見新劇

蜀都稽武略春集瞻文心游戲諧佳偶連綿見盍簪亂
離多怨曠韻事覺消沉酪酌椒花酌逢場共豁襟

三日雅集榆社孝廉濟濟開國始此

帝里初三日鄉關十八人到來成雅會去住總情親燠
景移愆莫芳醪泛座春從茲勿替引文物啓維新

張禪恭中翰見投扇什六章依韻却贈兼壯行色

西京名彥數稽古有餘師之子珠璣腹同人鳳鶴姿自
嚴清濁界匪佞白雄知漫道交游淺千秋式與期

又
盥誦樵山帙熊熊淨几前騷壇誰執耳文府失驅賢技
妙能金鐵才非尚白玄時髦矜尚友不必別摩編

又

書畫半船淡賓朋萬竹除調高常和寡風健合覓虛薇
省光華且輜軒采拾餘垂衣資黼黻莫戀子牟居

又

笥藏通作述繪事具聲詩自命符天貺高栖絕俗思經
權看並用簡靜學無爲全味非盈鼎鸞嘗亦與知

秀巖集

卷十五

十六

又

柳子人倫鑒於君有舊遊我緣稱述久今得步趨雷道
氣披羲御春華實蓐收欣言衰莫際有掖進竿頭

又

策智非途說訂頑擬並陳因君灾木偶信世刻舟真玄
緒多餒古餘編復領新行邊春景麗邀翰及浮筠

上元風

疎廊開滿照寒吹倚空聞正是張燈夕何言較閣文闈
爐成偶酌傳茗餞餘薰喧巷柵聲逼嬉嬉擊壤羣

又

烟火遠新禁舒輪倍舊明
遨頭塵擁轡靜侶咏將觥
霧縠紛游女霜霄引擘箏
誰同列禦寇縹緲度瑤京

野鷗

郊原後振槁何自接秋聲
淡日翻輿隙層雲裹樹轟
畦沙俄柱立溪凝且濤驚
誰觸皞芒怒芳辰不耐晴

送宮詹陳公朗分藩東省

齊魯磐東甸旬宣倚重臣
暫辭奎壁府載見柳梅春
儻詩書用雍容德業因
君才原百倍房杜悟前身

秀巖集

卷十五

十七

送宮詹黃鷗涓蒞事楚轄

蠻坡停視草薇省式分猷
匪重蕃南顧何因禁北求
春旌先子舍尊人僑寓江寧
夏口候蘭舟入望星辰履
歸來述壯

遊

書扇與鳳瞻同年侑觴

三台稽正席七曲憶縣弧
日月同游旅山林滯腐儒
共酣周醴釀閒究伏羲圖
謾訊岷峨業追歡盡嶠壺

又

華雲藏太甲蘭譜忝同庚
來鶴春堂景聽鸝燕陌行三

年紛奕局二月靜雷聲枕籍圖書裏無營適我生

送鄧元昭宮允分憲洮岷

西陲雄扼塞自昔紀洮岷鹿玉青天嶂凌珠白雪濱使
星移泰斗行部洽陽春緒略長城倚簡書重紫宸

送羅約丞職方分憲撫昌

旌節旣江指春光擁畫舫兵符消帶甲文筆壯開丁草
碧丹霞洞風清玉茗亭身臺連內外履企曳台星

贈處郡太守葉輔長

烏奕瀛洲選焜煌禮樂司崑山羅鳳璞星瀨影鴻儀礪

秀巖集

卷十五

十八

發東甌國勲名北海禪三台千石邇鄭重及瓜期

仲春下澣同卿翰諸臣奉 召詣南苑恭視閱武

大蒐賜宴行宮各賦五七言律絕每體一首應制

草暖周文囿雲屯漢武林龍騶殷訓旅鷄羽遙觀岑旣
飫天厨饌重承玉座音省躬無一得徒矢答高深

春暇過向西崑出所藏名畫古玉共觀

每笑徵闌日蝦羣水母浮多君精藻鑑發笥快玄搜肉
好羅秦瘞丹青拔宋尤移情文雅案春景共悠悠

近市草玄居疇知富古儲啓函增爛若比德咏温如暫
借孤高託頻將鄙客除置身塵壒外尚友樂相於

先君忌辰書感

季春廿一日

疇昔趨庭夢春光舊鳳廬年經卅六變壠越八千餘溪
繞松楸老雲迷杖屨初首丘徒耿耿淚灑向西間

先慈忌辰書感

莫春廿六日

屬續丁雲擾子孫半有無但傳浮殯地未遂紉封圖賜
卹猶存部號招隔命巫廿年風木感此日重嗟吁

孟夏九日鳳瞻映斗凌霄元生小集卽席用寶晉

秀巖集

卷十五

十九

空韻四首

灰琯纔繻夏烟疇欲麥秋飛廉沙送鱸宿枿月將謳素
醴爽三益玄言藐十洲癡人嘲秉燭暇晷晝幾同遊

又

芍藥方抽蕊海棠尚着花習傾燕市酒生澗蜀山茶燕
未移鄉語風偏效俗諱無將寧靜景僅博後來嗟

又

保我身清白從人目介通興餘剪燭話交獲出門功耐
迥惟松栢隨陽耻雁鴻共乘醕酌會那問跡西東

又

不速原同調頻過卜未來榻緣高士下舍鮮玳筵開篤
誼逾行葦貞求稔施枚天涯微閱歷豈是暫追陪

遲西崑不至用寶晉坐韻二首

草舍期霏玉麻畦有直蓬如何守硯北不肯枉衢東詩
共何羊和跡將巢許同緇塵無涉處朝市自冥鴻

又

春暑難繩繫南園競何榮偶逢良晤夕一暢客游情獨
醒君從好幽求我爽聲何如快倒屣親切示周行

秀巖集

卷十五

二十

秀巖集卷十五

終

秀巖集卷十六

石芝軒七言近體一

甲申中秋

客燕差池失定巢，秋蟾舒御上殘梢。
風鈴殿角聞霜韻，砧杵居隣亂蚤呶。
家累津門非久計，朋儕旅邸見初交。
夢懸蜀宅臺東賞，桂馥蘭薰入縮茅。

九日

每擬緘愁叩次寥，卑栖何自覓高招。
雲舊散蒼梧野，化日新舒北極朝。
菊滿晉籬疇送酒，鳳衰秦閣罷吹簫。
秀巖集

卷十六

驚魂方幸離陽九，愕耳重陽又九朝。

玉署與百史夜話因得盡展途次篇什

乙酉

草草乾坤一旅亭，重來蓬觀聚文星。
奚囊不乏龍門筆，幕俠猶傳玉尺經。
寶劔斗間橫氣紫，娜嬛津逮炤珠青。
世情何處無三豕，夜話從君鑿五丁。

贈李涵白總督大同

日月昭回草木春，簡書將去纛牙新。
憲邦文武今山甫，瑞世勲名舊寇恂。
三晉風行歸節制，中台星正式經綸。
鼎銘循史俱千古，漫道毛錐不致身。

贈劉借菴同門督學中州

中原妖氣薄文星誰復提
衡煥六經暫輟縉雲叅畫諾
競看冶礦就模型
輔軒劍氣連牛紫驛路鶯啼帶柳青
想得汝南冰鑑迴盡羅麟鳳瑞虞庭

和滄起老師棘闈中秋韻

鼓角嚴城月滿軒
文壇飛將幾分番
百千冀駿邀題值
甲乙人龍欲筆髡
開國鳳麟逢網濶
克庭珠玉羨霞掀
應知繼日搜羅力
欸欸衡端燕雀論

和高念東秋懷四首

秀巖集

卷十六

二

秋鴻也解別寒温
鏡水何情記羽痕
暫借逃禪紵落魄
憶曾邀月共芳樽
浮沉吏隱前身朔
潦倒詞場舉世髡
搔首向天無可問
摩編徒爾負庭暄
豹隱南山霧自深
此生誤是效書淫
遠辭井里黃花酌
近逼天街素節砧
去任堪憐形弔影
短長漫較髮輪心
人間縱有丹丘在
衣化緇塵未易尋

誰信馳驅傀儡場
爲人奏趣寫雌黃
窮途不易逢秦俠
衰德何由對楚狂
吐鳳才華空莫莫
續貂意氣漫揚揚
西風未醒萼蘆夢
濡翼維縈咏在梁

淺深何暇問瀛濱
橘叟閒枰觀玉塵
如此行藏寧作我
不關榮落強從人
略馬驅黃題甲乙
鱖魚堂策別庚辛
陽秋自昔多顛倒
入世無勞訟假真

和岳匡六雪浪石咏

寒光激灑室芙蓉
寶氣迎眸似啓封
月劃鯨波紋幻出
雲移鼇島勢紛從
品題闕世推文虎
賞鑒何人不酒龍
竊怪韜陵驕石語
可能涇渭洞然胸

人日雅集賦呈同館諸公

丙戌

莫開七葉肇青陽
星聚仙班陋室光
奕局閱人吹野馬
秀巖集 卷十六 三

備場標勝暫相牟
豐年憶就燈淵卜
瑞雪何虞宴閣章
莫怪花前思獨切
醒餘歸夢是他鄉

十七日左大來張石帆梁芝三戴巖筆曹秋岳小
集用秋岳拈韻二首

率秩賓筵賦酒澠
已輸圓壁上觚稜
人間賒賞移春檻
天際空懷繫日繩
草草鶯花同舊閱
霏霏珠玉又新承
隨緣聚散平生感
竹馬鳩車憶昔曾

年來况味溷淄澠
漫向猶龍競角稜
戶外車塵從袞袞
窓前盆卉引繩繩
腐儒粗糲聊分供
多士文心恰近承

潦倒莫辭燈火夕勞生享用有誰曾

賀元輔馮鹿菴

賜婚二首

上元次日

春臺布令倚三公奉勅聯姻瀚海東
昨夕九枝光上苑
茲辰並蒂擅芳叢商霖潤接巫陽雨
弘閣和披與女風
自是熙朝多盛事黃扉佳兆叶熊
絳節床東相府深昇平景物自悃悃
筐筐鄭重君王賜
琴瑟齊諧母氏心樂擬同民消怨曠
昌符卜鳳會丁壬
合歡夜聽雞人曉擁醉朝天日幾尋

與白懷劬同年話別

秀巖集

卷十六

四

鶯花仍故忽驪歌促膝其如感係何
南國棠畱驄史雨
西京薇澤鳳池波誼新白首干戈後
酒對青萍日月過
別路含情憑寄訊應輸陌柳傍蠻珂

贈柳鳳瞻同年巡撫順天二首

蛩蛩相依兵燹餘樽前極目薊門車
螯弧武略乎辰告
墨盾文心陋子虛草木舊諳驄使節
山川新式鹿轡裾
可知求莫爭名實春雨春風及潤嘯

建牙猶是舊臺門聲色何憑馭虎賁
但使鱗毛通響鑿
不妨獠狁共乾坤窮閭引領回天力
伏莽輸心化國恩

從此綏猷和令遠犢牛盈野犬嗜村

贈劉練溪赴任江陰正逢初度

物候陳陳識宦遊鷗波駒隙閱春秋舊曾蜃市圖邁軸
今尚雷封棹翰舟功在牧芻堪百世跡潛詩酒已三丘
黥顛不受吳霜點驛路風烟仗荆緜

賀李漢清授秩秋曹用扇頭惠祝韻

遶羽秋臺鶉雉聯陸離探獻重庭筵學馴西漢天人策
識具南華內外篇如矢世推李道固臨池吾愛柳誠懸
公餘就子分三益競壁磚陰任坐遷

秀巖集

卷十六

五

贈冷心芬太守之任衢郡

管領湖山紀壯遊三衢太守蜀英流藏珍積厭時名買
仗策車驅肉食謀古道照人開漢鑑少年許國指吳鉤
治聲遠接伶倫律莫讓崔盧射覆甌

寄祝張北海大司馬中丞

崧筠玉並淡宜秋建隼雄藩亦壯遊河海不波艫舳駛
萑苻銷警未耨悠共矜駿業傳黃石肯遣蠅聲促白頭
遙羨津門稱葦地羣熙化日傲丹丘

初秋送錢牧齋前輩予告還里

候雁桑乾憶舊汀
吟蟬梅里逆歸鈴
論文春樹巡尊邈
紉佩秋蘭隔室馨
笈有右軍辭世帖
家藏柱史養生經
達儀豈合醯尊老
振緒還期照汗青

贈張石帆侍御按楚

新展南藩草木初
繡衣行部尚兵餘
應無桀犬膏持斧
祇有商霖挹後車
衡岳雲開鴻羽正
洞庭波靜鷁舟徐
尊前欵欵殷求莫
星駕非徒畏簡書

秋霽院中讀書

擬作

閒庭綠澗族雲收
朝爽西來愜素秋
璧府瑩疑羅益友
秀巖集

卷十六

六

縹囊尚論足前修
風清芸幌吟蟬續
日度花階落蠹浮
莫訝鬻塵眼弱水
置身原在鳳麟洲

和答楊愛竹同年扇頭韻

蕪園松菊憶淵明
五斗寧寒日涉盟
錦里庭闈憑夢寐
天涯兄弟慰平生
杯澆磊塊頑於鐵
卷益狐疑重轉瑩
賴有盍簪詩水部
扇頭筆陣破愁城

直宿翰苑同陳生洲前輩步月

玉署追隨信鉅珥
虛庭浮藻通初鐘
氣因陽長爭餘粟
人向杓移指仲冬
談洽熏爐知幾炮
景延侍吏頓驅慵

凌巖天影晷年事僕斧於今詫再逢

傅熙宇冢宰壽詩

丁亥

商霖舊業世猶傳奕代才名又毅玄有子珠明庭實瑞
如君松幹地行仙鶯花未老耆英約詩酒能新邁軸緣
遙憶錦堂躋獻處恒山衛水自年年

贈魏昭華侍御督學江寧

熙代掄英簡命隆春和景物快乘馳黃初士習掄辭訖
白下人文鼓橐中膺有驕驪邀甲乙不妨瓊璣市西東
君家事業元成最看取焜煌奕世同

秀巖集

卷十六

七

夏泛

虛擲蠶春已麥秋孫弘閣敞繫蠡舟我來巨浸憑身歷
誰向頽梁解手撈避地鳥猶疑侮戶忘機魚漸欲驚鈎
環畿則壤仍耕鑿不信青門隱故侯

農壇次孫北海韻二首

霽徑輕颺肅時壇僕夫林下卸纓繁松窩概日開茵榻
燕友依筵學舞盤冊展奇葩連擾特果陳仙李與文官
披襟共卽幽閒賞不省人間有畏端

天街囂氣隔瑤壇翠纈紅翻組就繁野鶴選松成小築

道人開圃殖紆盤，攜尊此日來。三益扈藉當年萃，百官
怪是雲烟仍瞥度。義疏塵客向毫端。

中元雨集梁眉居瑞柳園

濯濯薪梯卜築初，清軒雅稱草玄居。緣江客燕喧沙澗，
秩竹朋尊酌雨舒。心遠自能移俗境，晝閒誰共較藏書。
西來爽氣連朝夕，不拒游情狎島魚。

宋封公壽詩

黃華駐景照籬新，詩禮庭前別貯春。室有羲皇論甲子，
帝嘉正則降庚寅。高情不作悲秋賦，良冶還開振業人。
秀巖集

卷十六

八

尚友猶聞勤展帙，濠梁魚鳥伴閒身。

贈蘓郡傅丞

律移陽長慶清時，黃綬風和進紫芝。雲近五湖留翰墨，
酒浮三雅奏壘篴。啼雞不用吳兒榜，羅雀應傳白傅詩。
歡洽婁門歌愛日，快看玉樹映丹墀。

送王鐵山還高郵

琅實桐窠及鳳雛，行藏自我德非孤。陶情詩酒何榮辱，
過眼雲烟任有無。張翰蓴羹雖暫老，邵平瓜圃未全蕪。
驪光篋社循如葦，底事官家乞鑑湖。

戊子二日蜀館雅集戲作迴文

榆枌此聚五經春感昔今同異地人竿瑟自諧難語世
萑蘭盈佩贈分賓區區笑度杯中日擾擾猶閒局外身
株守歷來何處是輸情我與物懷新

題岳朋海所藏武穆隸像卷

有序

余昔得觀武穆所題曾南豐家譜並滿江紅手
蹟蓋行草也今復展此隸書至德顯忠繩先啓
後凡八字差小於曩見乃題許虎侯卷者懍懍
如見其擲管時公深左氏春秋孫吳兵法於茲

秀巖集

卷十六

九

具見一斑矣昔在武林拜遺壠晉謁祠宇曾展
其喬所藏像較此小異史稱常人虔人咸繪像
尸祝焉知傳寫不互有異同千秋下聞其風者
莫不起敬起愛又烏在區區翰墨形色間乎爰

賦七言近體跋之以志憑弔

建炎天不祚中興五國游魂悵故陵對馬願遺驃騎略
誓江志切豫州能功高榭舉供沙射計峻巢傾爽屋徵
四字生銘三字死昭回遺蹟起欽承

贈李元宰侍其尊人涵白巡撫寧夏

秋雲天外賀蘭山雁陣前興曉度關書劍翩翩推幼學
奚囊奕奕入新刪彥鴻吏事先蓮幕飛虎家聲壓鷲班
羨爾此行光緒在晨昏不僅遂承顏

贈王涓橋封君

青箱家學起英游玄扈臯比振鐸悠輔嗣經詮傾魏晉
中郎秘帳重琳球趨庭詩禮森珠樹適志松筠蔚石樓
六十四年閒閱世泛觴離菊自夷猶

贈趙復亨守平涼

巳丑

朝那城外柳平堤竹馬喧迎太守輓夙望展籌先隴右
秀巖集

卷十六

十

公餘問道出郊西閒尋箏篴畱文藻共說簫關靜鼓鼙
循史特書今廣漢子淵有頌績新題

贈彭封若同年分憲曹南

綠水青山世載英纒揚齊魯式澄清鳩工盤錯先游刃
牙繡威儀表治紘劔佩曹南看化犢人從斗北慶遷鶯
素交不及員官水影節移帆半月程

贈吳曜如宰武康

執耳文壇蚤振譽南鴻欣導使君興宓翠挾向烟霞場
玉鳥回翔日月居陶冶玉成紛美器湖山錫寵自公餘

君家第一標循史才望兼長起特書

除陽金封君雙壽詩

閒主雲泉傲素封鹿車偕適起高蹤傳經長盛貽謀遠
啓事山公嗣德頤介壽躋堂稱八袞摩編佐績尚三冬
忘機不問瀛深淺日月亭南撫鶴松

仲冬廿七祝薛行屋銀臺

律移葭室迂陽回詩禮臚庭淑景開巵泛狄雲家慶綢
珠森玉樹世春培藏舟靜壑餘書畫夢筆高軒闢草萊
尚有松喬不及處業標銀管籍丹臺

秀巖集

卷十六

十一

以薛濤箋遺憲石學士

錦江玉屑春澄膩洪度新裁甲陟釐十樣旌鸞衿遠寄
三都髡兔寫雄思堪憐碧井青燐火偶簡丹筒瑩楮皮
自愧枯腸荒研北好憑公幹揆春詩

偶作有述

東北西南合有儕漫隨兔狡溷龍垂正名卉圃循時供
班爵文壇取次差暫借禽魚調耳目肯從金石乞筋骸
無營日飽洪崖飮坐臥何慙苜蓿齋

又

馬嘶碎踏柳沙陰宿雨浮青出遠岑
季雅再巡來北座伯勞長嚙向東林
魚苗不擾饒獮夢燕麥徒搖學稼心
前後入眸咸鑿鑿忽聞烹鶴爨瑶琴

贈姚碧波司庾徐州

洪濤巨嶺閱英游兵食兼營要害州
聚米久知餘石畫如茨何用假沙籌
吟邊戲馬移蒼狗望裏冥鴻俯白鷗
疇昔揚帆憑弔處訐謔應快起蕭侯

人日鄉人雅集

庚寅

杜戶韶光靜遠天一時賓主萃西川
忽移綵勝冲齡眼秀巖集

卷十六

十二

偶秩春盤輯瑞年去任交情驚七易
追隨健會恐多遷何能星聚岷峨里
賒醉梅溪柳陌邊

題桴菴七言古

有序

耽近玩而希遐觀託會景而翻滯響
光沉致瑣氣繭力微數者俱非七言古
之勝技行屋茲篇言近指遠事切韻諧
炳炳烺烺春容悲壯無所不盡其妙可
謂經術史才運以騷腕自非畱連光景
可同語也卒業之餘塵襟頓豁援筆書此

以志未逮

盤梅夢不到松蘿吟候開東憶諫珂偏是幽齋來照乘
頓令燕市聽悲歌擊壺欲碎千夫膽返景頻揮數舍戈
騷譜逢能堪下駟稜稜詩史莫君過

上元夜散步

塵靜天街月色低出門信步任東西寥寥沽肆熒燈火
擾擾遊踪雜女奚舊市繁華空入夢新年景況不堪題
同人細咏光羲句事在蒼天志乍迷

戲柬冷心芬

春事闌珊老客情風流太守擁傾城同人偶過溫柔社
秀巖集

卷十六

十三

下榻徐開乳酪畧枚戰售欺回笑靨歌酣恣謔有完纓
獨慙未是瑤宮侶也向賓筵會玉清

贈于賡梅膳部分憲蘭州

湟流榮寔擁臯蘭候馬亭前樹色寒保障巖疆掄國彥
分猷憲節首春官攜將高閣元和澤蔚起長城富教觀
聞道帶襟多勝槩公餘應足引文瀾

贈楊愛竹同年出守河南

伊瀍帶郭古成周熊軾朱明肇壯遊異產尚存姚魏譜
中天勿替奭陳休鴻都副墨來盟主鱸宇清風見作求

第一治平誰伯仲知君成竹裕新猷

贈高瀑巖分巡臨清

南鵬儀昔隔溟鯤落落逢迎識友昆如駛春光馳梵宇
倏鏘秋駕指清源情牽觴詠維舟岸業挹疏耘督牧村
偶游巖觀稽瀑語此生聚散信乾坤

贈裴晉卿侍御督醴兩浙

艱難式賦軫廷諏吳越星占使者騶烏府壺氷歸士望
半盆珂雪集商休閒吟閣敞浮筠圃遠眺潮雄落桂秋
獨有鷓枝栖託客臨岐心逐五湖舟

秀巖集

卷十六

十四

贈張爾唯戶部督蘆政江南

屬草綸扉起孟陽分猷騰飽重巖疆行邊烟樹収奚錦
望裏萑苻淨野狷入貢包茅連楚澤會朝明燎接天香
可知警雁汀洲畔葭露懷人水一方

憲石召飲病足未能趨命率筆謝之兼柬在座諸公
學愧曾參病子春藥嘗未達重櫻神夢餘龍象維摩室
座憶圭璋北海濱覆餗舊占違眴目凌波新曲隔聯茵
薰風不假追隨便可是高齋厭俗論

賦得蚨蝶花上蚨蝶

春坪有此咏偶效作之

懸藤峽裏記依稀誰遣宮奩命侶歸不是豐翹遷榻蠹
祇緣粉拍誤胥圍滕王伸紙尋真似梁帝臨樓賦茂飛
栽向漆園高臥處函三爲一是耶非

又

奇英綵綯亂翺羣入望童幡迴不分侍女折簪驚羽化
游絲回胥闢風薰玉錢飛舞疑乘霧粉翅輕盈入夢雲
連纈麗春如共檻枝枝勾引鳳車紛

心芬召飲郎事

秀巖集

卷十六

十五

槐花新放雨初收致爽前除託興悠何晏第殊徵異艷
孔融座客賸清謳飛觥不用呼盧勸秉燭猶殷卸轄留
自哂衰顏當蹇步尚隨英妙賈風流

題沈石友戶部小像

鍊魄脩脩二酉天金庭逋跡小遊仙低垂東海絲綸手
閒泛南宮書畫船未老休文騷興逸逃名少伯權情牽
蒼生望繫蒹葭畔吏隱疇知引大年

賦得竹影掃秋月

冷樹娟娟靜宿鳥清宵爽籟度西隅怪來擁彗資霜汎

却是依庭競繼鋪虛席何人同命酌拂塵隨處可操觚
分明濯魄質籥谷何必梯雲叩玉樞

賦得野渡無人舟自橫

綠澗春燕午艤餘潭溪烟浦罷樵漁蛟龍不擾幽人夢
麋鹿還尋靜壑居自擬天開同罨畫誰能津逮探藏書
溪山傍我頻迎送永日逍遙逼太虛

中秋對月

爽照開庭覓至寶詠觴無典負秋旻但邀展帙來芸案
莫遣橫矛入桂輪五十八番吟蟀夕尋常滿景步蟾身

秀巖集

卷十六

十六

金風不假垂雲翼那得龍潭一問津

龍潭秋月予
邑八景之一

九日飲陳良輔臺上月升乃散

臺倚秋空倚界寬遊人小阜剩追歡苞英露湛茱萸殘
晚照風欺竹籜冠野雀愁畦貪晝飽吟蛩月砌入宵寒
醉餘共話登臨舊幾許陰晴客裏看

贈陳曼仙提學西蜀

璧府天荒漢錦官昭回使節五雲端春城霧卷文星麗
夏鐸車驅蜀道難負弩擬先忠孝坂伐毛乞取黍珠丹
思餘石室尋鄒魯禮樂重新起大觀

立春上元夕四首

辛卯

塵靜天街顧兔肥，催梅和氣正三微。
如春世予遊人醉，不夜城連集羽輝。
舊賞雅知尋舊夢，新文寧解組新機。
無端素髮紛垂領，今昔何緣判是非。

八年星曆仰辰垣，世事那堪手覆翻。
尚喜桂輪依靜影，暫將栢子注華尊。
爐烟繞案燈方葉，藜火攤書氣益溫。
却是春來三五夕，腐儒鼎鼎閱乾坤。

風息星稀鏡滿匳，何須乞取夜明簾。
長箋舊譜聲聲慢，逸曲新翻昔昔鹽。
小酌習邀三客對，大呼頻把一題拈。
秀巖集

卷十六

十七

人間天上雖精采，旅况無如嘆久淹。

荏苒風光逼六旬，結璘戀我奈何春。
縱無名姓懸蟾窟，不乏刁圭養谷神。
杓正肇元逢癸亥，直日燈明直月恰庚寅。
建月菟裘欸欸鄉關邈，焉得華胥一問津。

良輔製丸賦柬

紛紜六鑿盜童顏，每就壺公問大還。
俗骨祇妨堅石髓，靈芝猶盼餉雲山。
一丸水火三三轉，二氣晨昏細細圓。
堪笑仙胎虛擲却，尚從詩酒乞餘閒。

和元生春興二首

跡同矇蝻老仙經米讓侏儒飽漢庭語辨禽天懷太白
音畱藻井失秦青臨書淡墨依春旭考古篝燈傍夕櫺
顧影浮沉開六秩從前都付假惺惺
鄰籤狼籍負餘冬求益殘編類萊傭寄寄尚賒宮一畝
營營堪笑影三重傳經自忝胡安國養志徒希邴曼容
疇昔交情生死隔衰齡倚仗劇叩叩

和元生謝分餉地黃詩

靜持無那二毛侵服食扶衰貸杏林聞濟坎離惟八味
勝從蓬竺息三心乞來懷芡分昆玉蒸出餘香比鬱金
秀巖集

卷十六

十八

共爾還童有分否相將岐伯覓知音

贈吳象賢分憲鄆陽

淵源姬牒接英游

吳橋梓門人

歷試衡樞蔚贊謀楚甸揭竿

驅沸釜戎曹借箸利吳鉤東湖蘭馥循卮薦西塞雲晴
振鷺道吏譜宗盟無第二佇看星履曳螭頭

宵坐書感用案帙韻二首

燈窓三復地天爻仿佛堯庭彙拔茅當戶不畱荆棘種
澄河寧事鳳麟膠百年霜雪延高植五日條枚息怒哮
記得蜡通忘力處喧闐迎虎與迎貓

聞我紛拏鬼豕艾更誰蝸角競前茅逃名未寤梁炊枕
學古翻同瑟柱膠明習蝨懸心可貫靜隣蟻鬪耳頻哮
繇來社鼠牙偏利空費肥甘豢李貓

寄懷解拙存同年次來韻

萍絮餘生易壯年莫隨仙驥覓芝田破琴夢遇邢和璞
老髮雲移孟浩然錦里城燕歸羽詫秦關蘭訊故人傳
低回忠孝增遺憾自限崆峒訪道緣

良輔遺無核棗云一名虛心賦答

纂纂瓊珠鞞杏林嘉名誰與錫虛心味芬駢白安期種

秀巖集

卷十六

十九

氣熟璣青阿母岑不向閩河誇桂實漫從閩苑乞人參
玉門溟海曾標異永洛分來顆顆金

永洛產無核棗食之益氣延壽

送穆孝廉玄緒吳文學次長還蜀

南國風烟滯客情聯鑣長夏賦西征子規接耳先雲棧
丙舍關心隔錦城歲事公車移舊夢冠軍蘇榜肇新聲
臨岐空灑思鄉淚不及峨輪習送迎

贈良輔納丁姬

覓塵覓侶願無違才色廚娘衆譽歸嬌燕巢梁欣有託
好花烘日淡相依風狂不管羅帷妬雲暈長留繡榻輝

曾記稚川移寓卷蛾眉縹緲坐牛衣

贈蔣虎臣編修典浙試

宅俊東南簡帝心恢羅應陋築黃金筆花自昔魁文苑
藻鑑從今重武林棘院桂香回舊夢岫樓海氣引長吟
當年耿耿遺珠嘆有待嚶求載好音

書范現斗中堂冊

帝簡才兼將相權氣蒸荃宰豈徒然澄清孟博通今昔
憂樂希文識後先周嶽生申開屏翰商霖用說協人天
昇平黼座逢堯曆羸得夔龍佐萬年

秀巖集

卷十六

二十

贈高念東學士黃次辰編修典試江南

文運排撤重簡書荷風桂月導星輿北扉宿望推金玉
南國甄靈入獵漁驛路再揚米署氣奚囊止富錦雲儲
瑩疑暫切離羣感汲引連翩壯石渠

元生登傳志喜

驪珠璀璨貢明堂回首靡髦昔擅場井絡炳靈淪運劫
燕臺碩果破天荒祖孫接武符單闕德業經時起大方
垂老萍逢欣有託尚期載筆侍鵷行

九月十七夕同許曼公飲良輔齋頭

問奇信步叩華樞欵謝陳遵泛醪觚坐對黃花真傲容
相扶紅袖宛仙姝解醒芳氣燈前竹澣俗玄言瑟瑟竿
怪是與君浮拍屢不應九日尚詩逋

酬許曼公中秋惠韻

圖書盈案老秋帷市隱那工取世資夢破綠窓寶雁候
醉餘清爨影娥時馬牛呼應原無我鷗鷺逢迎更有誰
明日愁眉休豫鎖暫賒閒貺慰幽思

贈戶曹劉帖步權稅浙關

雲司暖律轉餘冬漸羽南儀簡命重文苑砥瀾稱學豹
秀巖集

卷十六

五

武林借箸式人龍湖山春洽羔絲署商旅歡生石畫封
聞道海洋通市舶遠揚仁化引朝宗

